

文字論之者、僅不過七八人、足下乃在其數、真有意人也且言記中無一不爽一不快之字句、足下早見破之可謂知己矣、而至謂高尚其事、則雖余所無、心竊向之、然而此意深長非筆墨所能論也、他日面罄其間、万万自愛。

小原鉄心素自畫墨梅題字書之答

納不解繪事、君之所知也、然而曩既於君之游鶯圖妄費數語者、蓋由別有所見也、至如月梅則納未能看破之、俟他日學畫評之、亦未爲晚也、

記山內孺人華甲壽筵

海軍技監山內君萬壽治、以明治乙未十月十六日開北堂孺人華甲之壽筵、招妾親戚故舊、余亦與焉、初君欲請衆賓於紅葉館、以張盛宴、孺人喻君曰、汝張宴饗賓固可也、而以壽吾之故、則吾對汝父之靈、不忍享之也、往時汝父方鞠育汝輩、痛減浪費、自奉儉素、汝亦盍做父儉勤惜福、以爲子孫之地乎、君悚然服膺其言、乃及本日之舉焉、酒半君之夫人婉子作福引籤、贈物諸賓、而孺人第一拈之、得一大袱子、畫七福神、題積善餘慶四字者、余於是停杯嘆曰曩者孺人以此意喻君而今偶然得此四字、嗚呼是實出於天意者矣、余乃記以代壽詞、且將使傳之子孫以充其家訓也、

記松菊鉄心及余合作

明治辛卯之夏、余游京都、適渡邊君東民亦來寓鴨漣吉富樓、一日開文字飲、折柬延余、至則湖山一六諸同人皆在、酒半君謂余曰、此樓女主也、頃就吾曰多年貴客席上所作書畫、積滿筐底、願選擇取瑜、胙筐檢之、得松菊鉄心雪心合作、松菊鉄心吾知己也、未知雪心爲其誰、一六在傍曰不是雪心恐是雪爪、君曰雪爪二十年來面識、吾豈不知之乎、湖山曰何須費辨、直觀之可、君乃使女主出其幅、則果誤讀、以心爪草畫相似也、此幅也松菊畫蟹余寫月鉄心題字、當日情況歷々上臆、俯仰今昔、不勝人琴之感、因憶維新之際、余輩每爲文墨游、女主妙齡侍傍、執捧硯洗筆之役、柔順而慧敏、能解頤指者、而今遽然遇之、忘覺相半、余卒意問曰往時綽佛者乎、女主笑而應、初余之未開肉而酣嬉、杯盤間蔬筍一味獨與衆客酬酢、時有樓媼、見余做佛樣、以常敕女主司蔬筍羹、轉訛遂目女主呼佛、今則爲名樓主人、嗟松鉄二人歸道山既久矣、余憊老亦可知也、今茲丙申秋、君招邀余于紅葉館、談重及此事、請余記之、遂追記、

記東民懷舊談

子爵渡邊東民君、少壯游江戶、學劍於齋藤篤信齋、進爲塾長、一日小原鉄心飲齋藤氏、桂小五郎高島秋帆在座、君亦與焉、此日會初雪、賦詩慨世、觴詠移晷、君歸邸失時、藩法門輪劇嚴、罪當屠腹、鉄心聞之驚曰若使小壯勉學之士以吾故罪至死、吾何顏立于世、遽至其藩邸、百方謝吾過、乞寬君

罰、而吏執法不假、鉄心曰果然則吾唯有自屠以贖其罪、危機一髮、辨論漸勵、藩侯容鉄心言、罰止禁錮百日、君知余與鉄心交善、屢語此事、余亦欽君有國士之風、乃記、明治戊戌春三月、

餉柿實引

雪關黎自濃餉柿實于予東京寓、以予嗜濃產柿也、郵夫誤期遲達、其實皆腐爛、十數枚中無有一可喫者、侍者斥之、予曰勿爲、昔歲薩之道光者、與余同侍無底先師于越之龍泉、有所得、西歸敷化其鄉、弘化丙午秋欲禮先師無縫塔于加之大乘、路訪予于濃之桃源、留錫數日、話舊言志、臨去、予舉先師所用之袈裟一肩以送、後道光寄書曰、曩者途上遭大雨、溪水暴漲、乃捧公所贈袈裟于竿頭、掌握大官香以涉、而水漂沒頭上、身邊餘物悉流失、獨雖掌中之香線寸々碎、聊得以供先師塔前徹吾志云、予感其道誼之厚、今雪關黎所餉之柿無乃類此歟、都下豈乏柿實、而遠地餉之者有以哉、然則不味其形而味其意可也、遂舉多年橫胸一事、併記以諭侍者、時明治庚寅十一月、

賀可睡齋前董穆山師晉山開堂于諸嶽山總持寺道舊疏

十方坐斷、千眼頓開、動則影現、覺則物生、透得徹、信得及、無纖毫障翳、如龍得水、似虎靠山矣、今茲明治辛丑九月十有八日曩鉤斧可睡齋瑾英穆山公、得海內門葉推尊、新移法旆日域曹洞大本山賜紫瑞世道塲能登國櫛比莊諸嶽山總持禪寺、此山歷朝崇敬、門風偉燭、今尙敬重、勅賜直心淨國禪

師、穆公壽年八十一道風冠衆、法旄應時、實是當今大煥燈也、公之聲譽、籍々轟都鄙、瑠璃殿上、白日青天、激揚玄微、全提宗機、顧余與穆公雲契水盟、行脚結夏、雖業既六十年前、回觀如擊石火、似閃電光、穆公少于余七年、今則同躋耄耆、山是山、水是水、甲則端居堂奧、乙則不居本分、恁麼也得、不恁麼也得、然而諸嶽山者、余以嘉永己酉幻住、祝聖拈香焉、爾來竟五十餘年、乃見穆公晉山開堂、循環如輪、眞因未罄、虛空消損、圓通無礙、於是乎知枇杷花開、晚達之愈貴矣、明天子在上、疾頌國家祥瑞、併利億兆民風、有偈曰諸嶽門流冠日東、併將齒德總和同、一枝玉柄新歸手、速唱當家高尙風、

不讀書屋

一日同鉄心大夫及立堂子訪海鷗生、々陳列筆研而置酒焉、興逸談激、時鷗生詰大夫曰、君盍潛心於經義、是生所深惜也、大夫笑曰、予得一奇句子等宜聯句以爲章、乃援筆書鉄心本來不讀書七字、拈接其句云、一咲蔑視古豪傑、立堂海鷗亦咄嗟相續愈出愈奇、竟爲一大章、大夫囑拈曰余將以不讀爲別號、請書不讀書屋四大字、拈乃左手一揮拙殊甚、大夫又爲一聯云、書於左手擬生妙、人遇多艱節始高、一座擊節稱妙、因略記其顛末以存今日之交態云、時丁巳陽復月也、雪爪道人

昭和十五年七月十八日印刷  
昭和十五年八月一日發行

【非賣品】

發行者 戶畑市千防三菱社宅内 鴻 武 久

著作權者 三原市本町一七五〇番地 澤 井 常 四 郎

印刷人 福山市桶屋町一九九番地 岡 田 軌 道

印刷所 福山市桶屋町一九九番地 成 文 社

發行所 三原圖書館

二 千 六 百 年 記 念

904
54

終

